

Қазақстан Республикасының Үкіметі мен Египет Араб Республикасының Үкіметі арасында "Нұр-Мұбарак" ислам мәдениетінің Египет университеті туралы келісім жасасу туралы

Қазақстан Республикасы Үкіметінің қаулысы 2001 жылғы 16 маусым N 830

Қазақстан Республикасының Үкіметі қаулы етеді:

1. Қазақстан Республикасының Үкіметі мен Египет Араб Республикасының Үкіметі арасындағы "Нұр-Мұбарак" ислам мәдениетінің Египет университеті туралы келісімнің ж о б а с ы м а қ ұ л д а н с ы н .

2. Қазақстан Республикасының Мәдениет, ақпарат және қоғамдық келісім министрі Мұхтар Абрарұлы Құл-Мұхаммедке Қазақстан Республикасы Үкіметінің атынан Қазақстан Республикасының Үкіметі мен Египет Араб Республикасының Үкіметі арасындағы "Нұр-Мұбарак" ислам мәдениетінің Египет университеті туралы келісімге қағидатты сипаты жоқ өзгерістер мен толықтырулар енгізуге рұқсат бере отырып, оны ж а с а с у ғ а ө к і л е т т і к б е р і л с і н .

3. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі

жоба

Қазақстан Республикасының Үкіметі мен Египет Араб Республикасының Үкіметі арасындағы "Нұр-Мұбарак" ислам мәдениетінің Египет университеті туралы келісім

(2004 жылғы 11 ақпанда күшіне енді - СИМ-нің ресми сайты)

Бұдан әрі "Тараптар" деп аталатын Қазақстан Республикасының Үкіметі мен Египет Араб Р е с п у б л и к а с ы н ы ң Ү к і м е т і ,

екі ел халықтарының арасындағы тарихи және мәдени байланыстарды негізге ала о т ы р ы п ,

екі ел арасындағы достық қатынастарды нығайту мен дамытуға тілек білдіре о т ы р ы п ,

екі халықтың рухани және мәдени мұраларын зерттеуге қолайлы жағдай туғызуға ұ м т ы л а о т ы р ы п ,

төмендегілер туралы келісті:

1-бап

Египет тарабы өз қаражаты есебінен Алматы қаласында (Қазақстан Республикасы) бұдан әрі "Университет" деп аталатын "Нұр-Мұбарак" ислам мәдениетінің Египет университетінің құрылысын жүзеге асырады.

Университет мүліктік кешен ретінде осы Келісімге қоса беріліп отырған тізбеге сәйкес ғимараттардан, құрылыстардан, жабдықтар мен Университеттің жұмыс істеуі үшін қажет өзге де мүліктерден тұрады.

Университет құрылысы аяқталғаннан кейін және оны Египет тарабы жабдықтаған соң, ол осы Келісім ережелеріне және Қазақстан Республикасының заңнамасына сәйкес Қазақстан Республикасына сый ретінде беріледі.

2-бап

Университет заңды тұлға мәртебесі бар мемлекеттік емес оқу орны болып табылады және өз қызметін осы Келісім ережелеріне, Университет Жарғысына және Қазақстан Республикасының заңнамасына сәйкес жүзеге асырады.

Тараптар Университеттің мүлік кешені мен барлық материалдық және санаткерлік меншігі оның жеке меншігі болып табылатындығына және Университет Жарғысында көзделмеген мақсаттарға пайдаланылмайтындығына келісті.

3-бап

Университеттің қызметін қаржыландыруды оның Құрылтайшылары жүзеге асырады, оларды Тараптар төмендегідей түрде белгілейді:

Египет тарабы өзі тағайындайтын оқытушылар құрамына және басқа да қызметкерлерге еңбекақы төлеуді қамтамасыз етеді.

Қазақстан тарабы өзі тағайындайтын қызметкерлерге еңбекақы төлеуді қамтамасыз етеді.

Қазақстан тарабы, инженерлік коммуникацияларды (электр-жылу-сумен жабдықтау, кәріз) пайдалануға және ғимараттарды күтіп-ұстауға байланысты шығыстарды өтеуді қамтамасыз етеді.

4-бап

Университет Қазақстан Республикасында қабылданған білім стандарттарына, сондай-ақ осы Келісім ережелеріне сәйкес оқу жоспарларын, оқыту бағдарламалары мен әдістемелерін әзірлейді.

5-бап

Жалпы басшылық жасау мен Университет қызметін үйлестіруді қамтамасыз ету мақсатында Тараптар Қамқоршылық Кеңесін құрады. Қамқоршылық Кеңесінің

құзыретіне Университеттің қаржы, мәдени және білім беру саясатын қалыптастыру мәселелері енеді. Қамқоршылық Кеңесі қызметке тағайындау және қызмет мерзімінің аяқталуының шарттары мен ережелерін, Университеттің оқытушы және техникалық персоналы мүшелеріне екі елде де қабылданған заңдар мен ережелерге сәйкес еңбекақы мөлшерін анықтайтын Университеттің Жарғысын әзірлейді. Қамқоршылық Кеңесі оқыту әдістемесін, Университеттің ішкі күн тәртібін, дипломдар берудің және ғылыми дәрежелер мен атақтарды тағайындаудың, оларды Қазақстан Республикасының стандарттарына сәйкес келтірудің ережелерін, Университет қызметі үшін қажет қаржыландыру жолдары мен қаржы бөлу нысандарын анықтайды, сондай-ақ Университет бюджетін дайындаудың стратегиясын әзірлейді және оны бекітеді.

6-бап

Қамқоршылар кеңесі төмендегідей жолмен құралады:

Қазақстан Республикасы тарабынан:

1. Қазақстан Республикасының Мәдениет, ақпарат және қоғамдық келісім министрі

- т е н т ө р а ғ а ;

2. Қазақстан Республикасының Білім және ғылым министрі - мүше;

3. Қазақстан Мұсылмандары діни басқармасының Бас Мүфтиі - мүше;

4. Қазақстан Республикасының Сыртқы істер вице-министрі - мүше;

5. Қазақстан Республикасы Үкіметінің жанындағы Діни бірлестіктермен байланыстар жөніндегі кеңес хатшылығының басшысы - мүше;

6. Әл Фараби атындағы Қазақ мемлекеттік ұлттық университетінің ректоры - мүше;

7. Абылайхан атындағы Қазақ мемлекеттік әлем тілдері және халықаралық қатынастар университетінің ректоры - мүше;

8. Қазақстан Республикасының Египет Араб Республикасындағы Төтенше және Өкілетті Елшісі - мүше.

Египет Араб Республикасы тарабынан:

1. Египет Араб Республикасының Уақуфтар министрі - тең төраға;

2. Египет Араб Республикасының Мүфтиі - мүше;

3. "Әл Азхар" университетінің ректоры - мүше;

4. Әл Азхардың өкілі - мүше;

5. Каир университетінің ректоры - мүше;

6. Египет Араб Республикасының Қазақстан Республикасындағы Төтенше және Өкілетті Елшісі - мүше;

7-8. Египет Араб Республикасы Уақуфтар министрінің ұйғарымына қарай екі көрнекті қоғам қайраткері - мүшелер.

7-бап

Университет ректорын және проректорын Университет Жарғысымен белгіленетін мерзімге Қамқоршылар кеңесі тағайындайды.

Университет ректоры болып Египет Араб Республикасының азаматы, проректоры болып - Қазақстан Республикасының азаматы тағайындалады.

8-бап

Қазақстан тарабы Университеттің египеттік оқытушылары мен техникалық персоналын, сондай-ақ олардың отбасы мүшелерін Қазақстан Республикасының заңнамасына сәйкес құқықтық қорғауды қамтамасыз етеді.

9-бап

Университеттің египеттік оқытушылары және техникалық персоналы, сондай-ақ олардың отбасы мүшелері келіп-кету визалық алымдарын, тұрмыстық жабдықтар мен жеке қолданыстағы басқа да заттарды әкелу/әкетуге кеден баждары мен салықтарын төлеуден Қазақстан Республикасының заңнамасына сәйкес босатылады.

Египет Араб Республикасы азаматтарының қатарынан египет тарабы тағайындайтын Университеттің оқытушы және техникалық персоналының еңбекақысы және Университеттің жарғылық қызметіне грант қаражаты есебінен жүзеге асырылатын басқа да ақшалай төлемдер Қазақстан Республикасында төлем көздерінен ұсталатын жеке тұлғалардың табыс салығын төлеуден босатылады.

10-бап

Египеттік оқытушы және техникалық персонал мүшелері, сондай-ақ олардың отбасы мүшелері Қазақстан Республикасының заңдарын сақтауға міндеттенеді.

11-бап

Қазақстан тарабы египеттік оқытушы және техникалық персоналға және олардың отбасы мүшелеріне Египет тарабы есебінен Қазақстан Республикасында тұрғын үй таңдауға және жалға алуға көмек көрсетеді, сондай-ақ египеттік персоналға Қазақстан Республикасының осындай санаттағы азаматтарына Қазақстан Республикасының заңнамасына сәйкес көзделген шарттармен медициналық көмек көрсетуді қамтамасыз етеді.

12-бап

Тараптар өкілеттік мерзімі үш жыл және Университет Жарғысына сәйкес оны жаңарту мүмкіндігі бар Университет Кеңесін құруға келісті.

13-бап

Осы Келісім ережелерін қолдануда немесе түсіндіруде әлде бір келіспеушіліктер туындаған жағдайда, Тараптар оларды келіссөздер, достық түсіністік немесе өздері уағдаласқан басқа да тәсілдермен шешетін болады.

14-бап

Осы Келісім оның күшіне енуі үшін қажетті Тараптардың мемлекетішілік рәсімдерді орындағандары туралы соңғы жазбаша хабарламалары алынған күнінен б а с т а п к ү ш і н е е н е д і .

Келісім шектеусіз кезеңге жасалады және оған осы Келісімге жасалғандай мемлекетішілік рәсімдер жүргізілетін әрі оның ажырамас бөліктері болып табылатын өзгерістер мен толықтырулар енгізілуі мүмкін.

15-бап

Келісім бойынша қажетті мемлекетішілік рәсімдерді жүргізуге және оның заңды күшіне енуіне дейін, оқу процесін 2001-2002 оқу жылында бастау үшін, Тараптардың әрқайсысы Келісімге қол қойылған сәттен бастап, осы Келісімнің 1 және 3-баптарында көзделген өз міндеттемелерін орындауға келісті. _____ қаласында 2001 жылғы "___" _____ әрқайсысы қазақ, араб және ағылшын тілдерінде екі түпнұсқа данада жасалды әрі барлық мәтіннің күші бірдей. Осы Келісімнің ережелерін түсіндіруде келіспеушіліктер туындаған жағдайда, Тараптар ағылшын тіліндегі мәтінді басшылыққа алатын болады.

*Қазақстан Республикасының
Үкіметі үшін
үшін*

*Египет Араб
Республикасының Үкіметі*

М а м а н д а р :
Б а г а р о в а Ж . А .

Жұманазарова А.Б.